

مستطابق

محل مطبعه دارداره :

جفال اوغلنده امنيت

صندوغى جوارنده

شنگول يقوشنده

۲۵ نومرو

اضطار :

مسلكمزه موافق آثار

جديه مع الممنونيه

قبول اولنور

درج ايدلمهين آثار اعاده اولنماز

ديگر ، فلسفه ، علوم ، حقوق ، ادبيات تاريخ ، سياست نامه ، و بالخاصه احوال و شئونه اسلاميه در بحث ايدره هفته دره بر نشر اولنور .

آبونه بدلى

صاحب ومؤسسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

تاريخ تأسيسى

قيرلهدن مقوا بورو ايله كوندريپيرسه سنوى

۲۰ غروش فضله آلنير

۱۰ تموز ۳۲۴

سنه لى	اتى آيلنى	غروش
۶۵	۳۵	۳۵
۶۰	۳۰	۳۰
۱۷	۹	۹

ممالك عثمانيه ايچون

روسيه

سائر ممالك اجنبيه

جلیلی امر ایتمه که بویوک بر لطف و عنایت سبحانیه ده بولونمشدر . چونکه انسان طهارت سایه سنده هر درلو خسته لقندن قور تولدینی ، صحت و حیاتی لایقیله محافظه ایتدیکی کی عین زمانده بدنک بوطهارتی فکر و اخلاقده حسن تأثیرینی کوریر . چونکه ، بدن صحتده اولدقجه فکر و اخلاقده صحتده اولور . بوندن باشقه دائماً وجودجه تمیزلکه آلیشان فکر و اخلاقده تمیزلکه آلیشیر . وجودنده کی فئالقلری دفعه آلیشان ، فکر و اخلاقده کی فئالقلری ده دفعه آلیشیر . و بو سایه مادی ، معنوی بدنی روحنی و اخلاقی تصفیه ایتمش اولور . بر حدیث شریفده : « النظافة من الايمان = نظافت ایماندردر . » بویورلمشدر . نصلکه بر انسانک ظاهری تمیز اولدینی زمان باطنی ده اولیله جه تمیز اولورسه باطنی تمیز اولدینی زمان اونستده ظاهرینک ده تمیز اولمسنه چالیشیر . روح ایله بدن دائماً بر برینه تأثیردن خالی قالماز . ایشته بو حدیث شریفده بونی اثبات ایدیور . ایمانی اولان یعنی باطنی تصفیه ایتمش اولان کیسه لک زیاده سیله طهارت و نظافته دقت ایتدکرینی کوستریور . دیگر بر حدیث شریفده ایسه : « النظافة تدعوا الى الايمان = نظافت ایمانی دعوت ایدر . » بویورلمشدر . بو حدیث شریفده یوقاریده کی مطالعاتی اثبات ایتکده در . ظاهری تمیزلکین باطنی ده تمیزلک دیمکدر . دیگر بر حدیث شریفده ده : « ان الله تعالى طيب يحب الطيب نظيف يحب النظافة ، بویورلمشدر ، الله تعالی ظاهر در طهارتی سوه ، نظیف در ، نظافتی سوه . »

بوتون بو مطالعاته بناء انسان دائماً صحتی محافظه ایتمه ، اعتدالدن ایرلامغه ، طهارت و نظافته دقت ایتمه مجبوردر .

دوقتور حاذق

مجلس عمومیده سیاست عمومیه مذاکره سی

۲

اتحاد عناصر مسأله سی

اکثر ممالکده ، معین بر دوره تاریخیه ده بوتون و امور سیاسی و اجتماعییه مؤثر و حاکم بر مسئله نک وجودی مشهوددر . مثلاً بو کون آوستریا و مجارستان حیات سیاسی و اجتماعی سنک اک مؤثر عاملی ، ملیت نزاعیدر . روسیه و ایرلاندده مسأله زراعیه ، آلمانیا و فرانسه ده عمله مسأله سی اویری طوتار . اگر دولت عثمانیه نک عصر حاضر حیاتی تدقیق ایدیلک چک اولورسه ، مسأله حاکمه نک عنصر ویا دهها طوغری بر تعیر ایله ملیت مسأله سی اولدینی تبیین ایدر .

فکر عاجزانه مچه حیاته حقایقه روبرو کلکدن قور قولمالیدر . اغفال نفس ویا اغفال غیر دائماً خسروانی موجب اولمشدر . حقایق وقایع اولدینی کی کورماک ، یا خود کورمه مز لکدن کلک ، او حقایق تعیر ایتمز . ایشته بو اعتقاد نتیجه سی اوله رق ، عناصر ویا دنیلدیکی کی اتحاد عناصر مسأله سی حقنده کی ملاحظاتی ، مجلس عمومیده کچن مذاکره مناسبیله ، سربست و واضح عرض و بیان ایتک ایتدیورم .

مجلس عمومی ، بوسنه کی دوره اجتماعی سنه طوبالانور طوبالاناز . ایلاک عمل سیاسی سنده عنصر مسأله سی مهم بر محل طوتدی : حکمدار نطق هایوننده : هر نه جنس و مذهبدن اولورسه اولسون ، عین محبتله « سودیکم بوتون عثمانی اولادک اخوت کامله ایچینده یاشامه لری » و تعالی وطن خصوصنده عین حسیات ایله متحس بولمه لری ، « شبهه یوق که بو دولت عظیمه نک برات نجاتیدر . » بویورمشدی . مجلس اعیان عریضه جوابیه سنده مسأله سی آچیه لزوم کوره رک : « بویوک حقیقتک قطعی بر اطمینان ایله اذهاق و وجدان عمومده بر « طومانی و بوضو رته عناصر مختلفه نک یکدیگریه وجهه سنک مادر « وطنه انحلال قبول ایتیز بر رابطه قویه ایله باغلامه لری حالا و آتیاً غایه « الغایه مهم و بونک یکانه چاره حصولی اعتقادیمز جه اولاد وطنک « مکاتب اعدادیه و عالییه دیکنسق بر تربیه یی حائز اوله رق یتشمه لری ماده « معتنا بهاسنه منوط بولندیغنه و ایلاک تربیه و تحصیل عائله مکتبی دیمک « اولان آنا قوجاغنده باشلایوب بالاخره مکاتب عمومیه و خصوصیه ده « توسیع ایدلدیکنه بناء بر طرفدن وطنه خیرلی اولاد یتشیدیر چک « امهات مستقبله عثمانیه نک مطرد تربیه و تحصیللری تأمین ایده چک « نهاری وللی مختلط قیز مکتبلرینک اصلاح و تکثیری ، دیگر طرفدن « مکاتب ذکر اطفال پروغراملرینک مفید نتیجه لر ویره چک صورته « اصلاح و تنظیمی و جائب اموردن اولمقه . . . » دبه ایضاحاته کیریشمشدی . مجلس مبعوثان ایسه دهها مختصر کچرک : « وطن مقدسمزده سعادت عمومیه نک اسباب حصولدن اک مهمی کتله دولتی تشکیل ایدن صنوف و عناصر مختلفه میانه لرنده اخوت و مودت حقیقیه نک کسب قوت ایتمی کیفیتی اولوب استیناس و اختلاط دائمی ایله مترافق بوانان خدمت موظفه عسکریه نک بتون عثمانیلره تشمیل و تعمیمی بو امنیه نک سرعت و امنیتله حصولی موجب مؤثرات عالییه اجتماعیدن بولندیغندن خاک پاک وطنک امر مدافعه سنده برلشن افراد مختلفه نک تشکیل ایلدیکی اردوی عثمانینک اجرا قلنان بو دفعه کی مانوره لرنده کوریلان ترقیات و انتظامدن متحصل بمنویت و محظوظیت سنیه لرینه مبعوثان تمامیه اشتراک ایدر . » دیمشدی .

مجلس عمومینک ، فوق العاده مهم اولان بو مسأله یه دائر در میان ایتدیکی مطالعه و آرزولری پک جدی تأمله محتاجدر . خط هایون و عریضه جوابیه لری تدقیقنده ، ایلاک اول کوزه چاربان شی ، هر اوج وثیقه نک ، اساساً اتحاد عناصری طالب اولدقلری حالده ، تعیر معروفی استعمال ایتمه یشریدر : حکمدار ، دهها طوغریسی نطق هایوندن مسئول هیأت وکلا ، معناسی حقوقاً صریح اولیان « اخوت » تعیر حسیسی ، دهها واضح کله لره ترجیح ایتمشدر . مجلس مبعوثانده « اخوت » ، « مودت حقیقیه » ، « استیناس » ، « اختلاط » تعیرلرینی قوللانورق « اتحاد » کلمه سنک آرتق اصطلاح حالی آلمش اولان معناسی تماماً تضمن ایدمه یین « برلشمک » فعلی بیله آنجق « خاک پاک وطنک امر مدافعه سنه » حصر ایله مشدر . کرج ، مجلس اعیان ده ، « اتحاد » تعیرینی قوللانمور و حتی

غیری بر معنا و پیرایه جگ اولورسه ، عناصر مختلفه یه « مختاریت » تسلیم و قبول ایدیلیمش اولور . « مختاریت » فکرینه دور مشروطیت ابتدا- لرنده غالب افکار عمومیته نك ناصل بر نظرله باقدینی هنوز خاطر لرده در . اوزمانلر و حتی شمدی بیله بر قسم خلق « مختاریت » ی انقسام و انحلالانك مبدئی عد ایدیور .

لكن ممالك عثمانیه ده ساكن اقوام مختلفه نك امتزاجی ، یا خود اوقوملردن برینك دیکرلرینی تمثیل ممکنمیدر ؟

بو کون اوروپاده بر ملت واحده کی کورینن هیأت اجتماعیه لرك چوغی اساساً عناصر مختلفه نك امتزاجیه تحصیل ایتشدنر : مثلاً اسپانیولار بلای باشلی سالت ، رومالی ، ویزیغوت ، یهودی ، عرب نسللرینك ترکیبندن وجوده کیشدر ؛ بو کونکی فرانسه لرده ، سالت ، غرقه ، رومالی ، جرمن قانی واردن روسلر ، اسلاولرله فین و ترک نسللرینك محصله سیدر . فقط هر اوج ملیتک تشکلهنده بعض فرقلر اولمقله برابر ، امتزاجدن زیاده تمثیل اجرای فعل ایتدیکی شبهه سزدر . اسپانیاده روما مدنیته و روما مدنیتهک بالاخره بنه دیکی قاتولیک مذهبی ، سالت و غوتلری یوغوروب اسپانیول شخصیت ملیه سنی احداث ایله مشدر . بویله جه حادث اولان اسپانیول ملیتی ، صوکره هر درلو وسائلی انصاف سزجه قوللانهرق یهودی و عربلری بلع و تمثیل ایتیش ، بلع و تمثیله موفق اولامادینی عنصری محو و یاطرد ایله مشدر .

بو ایکنجی دورده دخی ، عرب و یهودیلرک اسپانیولاره بعض تأثیرات عریقه ده بولندقلری محقق اولمقله برابر ، اسپانیول ملیتک بونلری تمثیل ایتدیکی آشکاردر . فرانسه ملیتک تحصیلنده « امتزاج » کله سنك استعمالی بلکه ده طوغری اوله بیلور ؛ فقط بو کونکی فرانسه ملیتک عناصر اصلیه سی ، بر جوق تأثیرات تاریخیه ایله ، عصرلرجه قاینایهرق ، انجق « امتزاج » ایده بیلیمشدر . روس ملیتی ، اسلاولرک فین و تاتارلری تمثیلله وجوده کیشدر ، بو کونکی روسلر ، فکر ، لسان و مدنیتجه تماماً اسلاودرلر . دیگر ملتلری ، مثلاً انگلیز ، آلمان و حتی آمریقانلری تدقیقه کیرشسه ک ، ینه « امتزاج » دن زیاده « تمثیل » ک اجرای فعل ایتدیکی کورمکده کوچک چکمه یز .

مع مافیه ملیتک تأسس-سند ، اولمیتک عناصر اصلیه سندن هیچ برینك تفوق و غلبه سی اولقمسزین ، متقابل تأثیرات متساویه نتیجه سی « امتزاج » اولدینی قبول ایتسه ک بیله ، هنوز فکر ملیتک بر سوق طبعیدن عبارت بولندیغنی پك اوزاق بر ماضیده باشلا یوب تعاقب اعصار ایله حصول پذیر اولمش اولان بو حادثه تاریخیه نك ، فکر ملیتک بغایت متیقظ بولندیغنی عصر یزده صوکره کی استقبالده تکررینه امکان تصور ایتک جائز اولاماز . واقعا الیوم بعض ملتلر افرادینی آر تدریمقده ، محیطی کنیشلتمکده در ، فقط بو حادثه ، اک جامع مغناسیه مدنیته غالب اولان بر ملیتک سلم مدنیته کسندن پك آشانی قالمش عنصری بلع و تمثیل ایتمه سندن باشقه بر شی دکلدر . عجا عناصر عثمانیه آراسنده دیکرلرینی تمثیل ایده بیله جک قدر مدنیتجه قوی بر عنصر وارمیدر ؟ — اگر یوق ایسه ، عناصر

« اتحاد » ی افاده ایتک ایسته دیکی « عنصر مختلفه نك یکدیگرینه وجهه سنك مادر وطنه انحلال قبول ایتیز بر رابطه قویه ایل باغلامه لری » جمله سیله تعیرده مندیح فکرک قوتی بر آز تقیص دخی ایله یورسه ده ، « یکنسق بر تربیه » ، « مختلط قیز مکتبلری » ، « معین و مفید پروغراملر مکتب ذکور » ایسته یه رک مقصدینك « اتحاد » دن باشقه بر شی اولمادیغنی تصریح ایدیور . الحاصل ، افاده لرده و احتمال افکارده بیله بعض تفاوت بولمقله برابر ، وثائق مذکورده دن نهایت النهایه مستنبط اولان ، کرک نطق هایوندن مسئول هیأت وکلانك ، کرکسه مجلس مبعوثان و اعیانك و علی الخصوص مجلس اعیانك ، تبعه دولت عثمانیه دن اولان عناصر مختلفه نك اتحادینه طالب اولمه لیدر .

قوة تشریعیه و اجراییه نك شو فکری نه درجه لرده مصیبت اولدینی تقدیر ایده بیلیمک ایچون « اتحاد عناصر » ترکیبنك تضمن ایتدیکی معنایی تعیین ایتک اقتضا ایدر .

اتحاد ، برلشمک دیمکدر . عناصر ایسه برکک عینی جنسندن اولان اجزایی مغناسنه کلور . تبعة عثمانیه نك مجموعه ی بر کل تشکیل ایتدیکنه نظراً ، اولکک اجزایی اولان تورک ، عرب ، روم ، ارمنی ... الخ برر عنصر اولور . اتحاد عناصردن مراد ، ایشته اوتورک ، عرب ، روم ... الخ عنصرلرینك برلشمه سیدر . لکن اتحاد — برلشمک کله سنك بویله انسان کومه لرینه اضافه سیله نه دنیلیمک ایسته دیکنی اکلامق پك قولای بر شی دکلدر . عنصرلرک اتحادی بر قاج درلو تصور اولانه بیلور : (۱) خواصی مختلف اولان عناصر ، عادتاً کمیوی بر امتزاج ایله « امتزاج » ایله یه رک ، عنصر لقارینه خاص خواصی غائب ایدوب ، خواص مخصوصه جدیدی حائز یکی بر ملیت و ج-وده کتیر لرلر ؛ (۲) هر بر عنصر ، شخصیت ملیه و دینیه سنی تماماً محافظه ایتدیکی حالده ، بر هیأت جامعه معلومه دن انفکاکده من کل الوجوه ضرره اوغرایه جفته قناعت حاصل ایلدیکسندن هیأت مذکورده داخلنده قالمه یی ایسته ر ؛ (۳) عناصر مختلفه دن هر هانکی بریسی ؛ دیگر عناصره از هر جهت فائق و غالب اولمه سندن ناشی ، کندی ملیت ، دین و مدنیته ، دیلر عناصره قبول ایتدیرر ، یعنی اوللری « تمثیل » ایلار ، فقط بو حالده « اتحاد عناصر » دکل ، بلکه « توحید عناصر » وقوعه کیش اولور .

یزده « اتحاد عناصر » دنیلدیکی زمان ، بو اوج نوعدن عجا هانکیسی مراد ایدیلور ؟

قوة تشریعیه و اجراییه مزجه مطلوب اتحاد عناصره ، هر عنصرک مختاریت قومیه سنی کاملاً محافظه ایتک اوزره ، بر هیأت سیاسی داخلنده یشامه لری مغناسنی ویرمک مشکلددر . هله مجلس اعیان نظرنده ، اتحاد عنصرک مدلولی « امتزاج » و یا « تمثیل » اولدینه شبهه ایدیلیمز ؛ زیرا افراد عثمانیه یه ، تا آنا قوجاغندن اعتباراً « یکنسق بر تربیه » ویریمه سنی ایسته مک ، مختلط و لیلی قیز مکتبلرینه لزوم کو سترمک ، باشقه هیچ بر صورتله تأویل اولوناماز . بوجهتله قوه تشریعیه مزک و علی الخصوص مجلس اعیانک اتحاد عناصره ، « امتزاج » و یا « تمثیل » مغناسنی ویرمک ایسته دیکی ظن اولنور ، و ذاتاً بوایکسنگ

مختلفه عثمانیه اتحاد ایدوب بر « ملیت جدید » احداث ایدو بیلورلری ؟

تورک دین اسلام ویردیکی قوت و اقتدار عظیمدن بالاستفاده دور قدرت و کالارنده بعض عناصری مسلمانلاشدیرمهیه و بو واسطه ایله تورکلاشدیرمهیه موفق اولمشلاردی . لیکن دور الحطاطه بو فعالیت مهملری انقطاعه اوغرادی . حتی صوک زمانلرده ، اولجه تورکلاشمش اولان اناطولی بلی بعض عناصر غیر مسلم ، قومیت اصلیهلرینه رجوع ایله دیلر . اورتودوکس کلیسانک قوی زمانلرنده ، روملر اورتودوکس مذهبندهکی قوملری ، کلیسا واسطه سیاه ، خیلیدن خیلیه روملاشدیرمشلاردی . فقط « عصر ملیت » دنیان ۱۹ نجی عصر میلادیده ، بوروملاشمش خرسیتیانلرده اسکی قومیتلرینی آریوب بولدیله . حتی بعضلری تأیید ملیت اوغرنده دینی اعتزالدن بیله چکنمه دیلر . دیمک اولیورکه ممالک عثمانیهده مدنیتجه اک قوی اولان تورک - مسلمان وروم - اررتودوکس عنصرلری ، عناصر سائرینی تمثیله تشبث ایتشلر اولجه بر درجهیه قدر موفق بیله اولمشلر ایسهده ، تشبثلرینی غایه سنه قدر ایصال ایله مه مشلردر . بو موفقیتسنر لکک اسباب مختلفه سندن بریسی ، محافظه کارلقده ، تمثیل سیاستنده منفعللری تورکلرله مشترک اولان روملرکده جریان عمومییه قایلوب ، فکر ملییه فضله اهمیت ویره رک تورکار علیمه عصیان ایلملری و بویه عثمانی ایمراطورلغندهکی ایکی قوه محافظه کارانه آراسنه نفاق و نزاع کیرمش اولمه سیدر . اعتراف اولمیلرکه روملرک عصیانندنبری دولت عثمانیهده نه مسلمان - تورکار ونهده اورتودوکس - روملر ، بر بحق عصر اولکی مرقع اقتداری بر ده ها حائر اولامامشلردر . تورک و روملرک تمثیل رولنی درعهده ایدوب اولنرک برینه قائم اوله حق قدر قوی دیگر عناصرده ظهور ایتمه مشدر . بناء علیه اون طقوزنجی عصر میلادینک اورتلرندن اعتباراً « تمثیل » سیاستی متروک قالمشدر . حتی ظن عاجزانه مه کوره ، عصر مذکورک اورتلرنده ، کمال دبدبه ایله اعلان اولونان خط شریف وهایونلر ، قوه حاکمیتی حائر تورکلرک ، آرتق « تمثیل » ده عدم اقتدارلرینی رسماً تصدیق واعتراف ایله رک « تمثیل » مقصده « امتزاج » اقامه ایتک ایستدکلرینک دلائل علیه سی اولان وثائقدن باشقه بر شی دکلدر .

« دور تنظیمات » ده مقصد اساسی ، عناصرک « امتزاج » ی ایله سلطنت عثمانیه نک وحدت واستقلالنی محافظه ایتمکدی . لیکن تاریخ کوستریورکه تنظیمات امتزاجی تأمین ایده مدی . سلطنت عثمانیه تحالده دوام ایتدی . ماضیده « امتزاج » ک حصول بولامامه سی ، استقبالی محکوم ایتمه بیلور ، ماضیده ، عناصر مختلفهیه تمامی مساوات وحریتی کافل بر مشروطیت اداره موجود دکلدی ، عناصرک تألیف امتزاجنه خادم مؤسسات تدریسیه من ، فعالیت اقتصادی من ، تکمل ایتمه مشدی ، دیمک ممکندر . « امتزاج » ک عدم امکانه تاریخمزدن کتیریه چک دلیل ضعیف کوریلسه بیله ، ممالک عثمانیهده ساکن عناصر موجوده یی

کوز اوکنه کتیروب بر لحظه چک جدی درشونه چک و درشوندیکمزی سویلمکدن چکنمیه چک اولورسه ق ، بوندن بویلهده « امتزاج » ک عدم امکانی اعتراف ایلمهیه مجبور اولورز . تبیه عثمانیه دن اولان عناصرک تاریخی ، عنعنه سی ، دینی ، مناسباتی ، آمال وخیالی ، طرز تفکری ، شکل معیشتی ، سویه مدنیتی او قدر یکدیگرندن فرقلی درکه بونلرک « امتزاج » صورتیه اتحادینی تصور بیله غریبدر . قوصووه اووه سنده چفتچیلک ایدن بر خرسیتیان صرب ایله نجد چولنده حال بداونده یشایان بر مسلمان عربک نه کی نقطه تماسی اوله بیلور ؟ بونلرک نه کونا « اتحاد » ی ، امتزاجی متصوردر ؟

صورارم : هیچ بر مسلمان ، اتحاد عناصر اوغرنده شخصیت معینه دینه سندن ذره قدر فدا کارلقده بولنه بیلورمی ؟ .. اونودیلما . ملیدرکه دین اسلام ، صرف سالیکنک اخلاقی تصفیه ، سعادت اخروی سنی تأمین ایچون منزل وصایای اخلاقیه دن عبارت اولمایوب ، بنی بشرک دارینده سعادتنی کافل اولق حیثیتیه ، دنیا دهکی افعال فردیه واجتماعیه سنی ده تنظیم ایله ی بر دین اکتلدر : دین اسلام تام بر مدنیتدر . کذلک ، روم ویا بلغارلرک الیوم ای تعین ایتش بر سیای ملیلری ، خرسیتیان - آوروپا مدنیتته داخل بر شکل مدنیت مخصوصه لری واردر . بونلر ، او سیای ملیدن ، اوشکل مدنیتدن هیچ آیرلق ایستلرمی ؟ پک واسع اولان ممالک عثمانیهده ایکی مدنیت ، حیات وجهانه نظری یکدیگرندن پک فرقلی ایکی فلسفه حیات چاریشیور . بونلرک امتزاجی هیچ قابلمیدر ؟ قابل دکلسه ، هانکیسی دیکرینک غلبه سنه موافقت ایدر ؟

دور تنظیماتده « امتزاج » ظن اولونان شی ، اساساً ، عناصر مختلفه عثمانیه یی ، فرانسر مدنیتیه « تمثیل » ایتدیرمکدی . بو امتزاجک اک مادی تجاریمی « مکتب سلطانی » دنیان غلطه سرانی لیسه سیدر . بورایه بونک تعدد ایده چک امثاله داخل اولان انسال آتییه ، فرانسر لسانی ، فرانسر مدنیتیه یوغورولارک ، اتحاد عناصره خادم یککنستی ومطرده تربیه کوره چک ، وروملقی ، بلغارلقی ، عربلقی .. الخ اونوده رق ، « وطن عثمانیه یه » صادق - فقط فرانسر مدنیتته تابع - « عثمانی وطنداشدر » اولق اوزره یتشه چکدی . لیکن نتایج مادیه سی نه اولدی ؟ - بلغاراخلالنده ، بلغارستان استقلالنه چوق چالیشانلرله بلغار بکلکی ارکان ورجالندن بعضارینک مکتب سلطانیه تربیت کرده سی اولدینی کورولدی . بوبویه ایکن ، اعیان کرامک ارزو ایتدیکی ، یککنسق ومطرده نهاری ولیل امهات مستقیله عثمانیه ویا آبابی مستقیله عثمانیه مکتبلرندن ده مفید نتیجه لر چیقمه سندن شبهه لیه پک حق یز . الحاصل ، ظن عاجزانه کوره ممالک عثمانیهده آرتق « تمثیل » ک امکانی اولمادینی کی ، « امتزاج » ک حصولی ده مستحیلدر .

شو تحلیله نظراً ، اتحاد عناصرک حصونه خادم ظن اولونان « تمثیل » و « امتزاج » طریقلرینک آرتق مسدودیتی آکلاشیلور . مسدود بر طریقدن یورومهیه چالیشمق عبثه اشتغال اولور ، بناء علیه قوه تشریعیه واجرائیه مرک « اتحاد عناصر » ده « تمثیل » ویا

انکلیزلر مصرک پاره‌لری ، سنوی اون بش ملیون لیرایی نه درلو تبه‌ذیر و حکومتک مسند و وظیفه‌لری نه کیفیت ایله اشغال و افساد ایلدکلری یاد و تشهیر ایله‌ن اجنبی‌لری بوندنبویله نفی ایله تهدید ایلور ، تهدیدنی ایقاعه مقتدر اولدیغی صوک حادثه‌ایله اثبات ایدیور . فرانسزلر ، جمهوریت حکومتی ایله افتخار ایدرلر ایکن جمهوریت آنلری تحجیل ایدیور ، کندی امرینه مالک بر حکومت اولدیغی تکذیب ایدیور ، و بوسیله ایله‌ده قاپیتولاسیون تسمیه ایتدکلری امتیازات اجنبیه اهمیتسز قالور !

عجبا « تان » غزته‌سی بو حادثه‌یه نه معنا ویر ؟
 کچلرده درساعات ایتالیا سفیرینک حادثه معلومه‌سی مناسبتیه نشر ایتدیکی فصول بارده‌نی اونوتدیمی ؟ زده شمدی او حماسه کاذبه ؟
 « La Dépêche Cgyptienne » غزته‌سی حالا قاهرده نشر اولنیور . موسیو ایلتین ریشه حضرتلرینک قلمی ایله تحریر اولمقدردر ، و عینی مسلککنده دوام ایتکددر .

مشهور مثل مقتضاسنجه (اذانت مناسیدقام سید) غیور و منصف ذاتلر هر یرده وهر آنده موجوددرلر . انکلیزلر خدیو نامه پایه‌جقلری یاپسونلر ! فقط بلاد عربده نشر ایتدیکی دسائسه دولت علیه‌مزک و باخصوص حق پاشا حضرتلرینک وقایعه‌سی ارکانک انظار ثاقبه‌لری توجیه ایدرز .

مصرده اوروپالیر صوک حادثه مناسبتیه حکومتلرندن بشقه بر کفالت سیاسی و قانونیه دن بحث ایدیورلر . تجنس مسأله‌سی بساط بحثه وضع اولمشدر :

مصر لیر ایله اتفاق ایدوب اولان بر مجلس نیایی حصوله کتیروب بده مصر جنسیتی ایله تجنس ایتدیکی ترجیح ایله‌ن خیلوج ، اوروپالیر رایلری غزته ستونلرنده صراحة اعلان ایتکددرلر .

موسیو البان دیروجا کچن جمعه کونی قاهرده دن اخشام اوزری اسکندریه طریقیله مرسیلییه واورادن پارسه عزیمت ایتمشدر . قاهره استاسیوننده سکزیبک کشی ایله عظیم براحتفال ایله تودیع اولمشدر ؛ (یاشاسون موسیو دیروجا ! یاشاسون حریت ! یاشاسون مصر ، یاشاسون ناسیونالیستلر !) فریادلری سایه چیقمشدر ، شمدوفرک اوغرادینی استاسیونلرده دخی موسیو دیروجا عینی هتاف ایله تودیع اولمشدر . بو کون جمعه کونی موسیو دارجیلا دخی مارسیلیا طریقیله وطنی اولان (بارسلون) ه کیدیور : بوذاتلرک جمله‌سی مصر لیرلرک صمیمی احبالرندن معدوددر .

البان دیروجانک بر بلیغ جمله پماتوره‌سی ایله ختم کفتار ایلورم : « بن مصرده مصر لیرلرک دوستی ایدم ، اوروپاده ایسه بوندنبویله بالذات مصرلی اوله جغمی سزیره تأمین ایلرم »

...

بوسته‌نک وقتی یقین اولدیغندن بو قدر جتی ایله اکتفا ایلورم - ولنا عوده ان شاء الله .

« اسکندریه »

« امتزاج » مناسنی ویرمک ایسته‌ملرنده دخی ترده دوشولور ؛ و بو صورتله قوه تشریمیه و اجراییه‌مزک و بر قسم افکار عمومیه‌مزک « اتحاد عناصر » طلبنده اصابت ایده‌بیللمه‌لری ایچون ، بو ترکیه ، همه حال ، دیگر بر معنا بولوب ویرمه‌لری اقتضایدن . عجبا او معنانه‌در ؟ ..

آ . ی .

مکاتیب

مصرده قاپیتولاسیونلر

...

شرقه و باخصوص مصرده اجنبی امتیازلری یواش یواش اهمیتسز قالور ، کچلرده درساعات ایتالیا سفیرینک حادثه‌سی مناسبتیه « تان » غزته‌سی بو مسأله دن خیلوج ، بحث ایدوب ، قاپیتولاسیونلر اقطار شرقیه‌ده الی ماشاء الله استمرار ایتسینک وجوبنه اشارت ایدیوردی . جریان احوال دن آ کلاشیلدیغنه کوره ایش رنگاشیور : فرانسا ایله انکلیزانک منافع ماده‌لری تعارض ایتدیکه فرانسانک قوای عصیه‌سی انحلال ایدیور ، مشهور اولان حریت و حماستی بردن بره اونوتیور . مصرده بو حقیقتی تأیید ایده‌جک یکی بر حادثه ظهور ایتمشدر « La Dépêche Cgyptine » نامی ایله عربجه فرانسیزجه ایله انتشار ایدن یومی غزته‌نک باش محرری موسیو « آلبان دیروجا » و مدیر مسئولی موسیو « جاک دارجیلا » بو هفته مصردن ایکسییده منفی اوله‌رق تبعید ایدلشدر . موسیو البان دیروجا فرانسیز تبعه‌سندن اولدیغندن جمله اجنبی ویرلی‌اهالی بو قرار دن دهشت عمیه‌ده قالمشدر . غزته‌نک مدیر مسئولی موسیو وادجیلا اسپانیا حکومتی تبعه‌سندن اولدیغندن مذکورک نفی حکومت متبوعه‌سینک ضعفنه حمل اولمشدر . نفی حادثه‌سینک سببی ایسه بروجه آتی اجمال اولنور : موسیو البان دیروجا - که « Agrégation » شهادت علیاسنه حاملدر - مصر خدیوینه قارش بررساله انتقادیه نشر ایدوب ذاتاً انکلیزلر بو محرر کبیرک آنلره دائماً توجیه ایتدیکی انتقادات حاده دن غیظناک و متأثر اولدقلرندن خدیوه موجه اولان انتقاد فرصتندن استفاده ایدرک بوراده انکلیزها معتمد سیاسی‌سی اولان (سیرغورست) لوندره خارجیه نظارتنه باتلغراف اشعار ایدر ، خارجیه نظارتی دخی پارس خارجیه‌سی ایله بالمخابره L'entente cordiale نامی ۱۹۰۴ ائتلافی مقتضاسنجه موسیو البان دیروجانک نفی و تبعیدینه قرار ویریلور . و بو قرار قاهرده فرانسانک قونسول جنرالنه بعد التبلیغ اجراآت رسمیه شتاب اولنور .

عینی معامله غزته‌نک مدیر مسئولی اسپانیای تبعه‌سندن اولان موسیو جاک دارجیلایه تطبیق اولنور . معلوم یالورد کرومیر مصرده ایکن اجنبیلرک امتیازلرینه خیلوجه تعدی ایتشدی ، امتیازات مذکوره ایسه اون درت دولت اجنبیه‌یه مربوط و متعلق اولدیغندن بونلرک جمله‌سی اقناع ایده‌میش ایسه‌ده انکلیزهاینه مایوس قالمامشدر .